

B508:

KUBANG PASU (LAPORAN KHAS)

OLEH MAHRUS IBRAHIM

ALOR SETAR, 23 MEI (BERNAMA) -- KUBANG PASU, SALAH SEBUAH DAERAH DI KEDAH YANG KINI SUDAH PUN TERKENAL SEBAGAI KAWASAN YANG DIWAKILI DI PARLIMEN OLEH PERDANA MENTERI DATUK SERI DR. MAHATHIR MOHAMAD, DIJANGKA MENJADI LEBIH MASYHUR LAGI DARI SEGI BERSIH, INDAH DAN AMAN.

DATUK SERI DR. MAHATHIR MAHU MENJADIKAN KUBANG PASU SEBAGAI KAWASAN CONTOH DARI ASPEK-ASPEK TERSEBUT DAN TELAH PUN MEMINTA SOKONGAN DARI PENDUDUK-PENDUDUK DI SITU UNTUK MENJADIKAN IMPIANNYA ITU SATU KENYATAAN.

DALAM SATU PERTEMUAN DENGAN PENDUDUK-PENDUDUK KUBANG PASU BARU-BARU INI, PERDANA MENTERI MENGUMUMKAN HASRATNYA UNTUK MELIHAT KUBANG PASU BERSIH DAN CANTIK DAN RAKYATNYA HIDUP DALAM KEADAAN AMAN DAN MAKMUR.

DARI SEGI BERSIH DAN CANTIK, DATUK SERI DR. MAHATHIR MAKSUDKAN BAHAWA KAWASAN-KAWASAN RUMAH DITANAM DENGAN POKOK-POKOK SERTA DIJAGA PULA TANPA MEMBIARKAN SEMAK-SAMUN +BERKUASA+ SEMENTARA KEAMANAN DAN KEMAKMURAN HIDUP RAKYATNYA DIERTIKAN SEBAGAI HIDUP SEMPURNA DENGAN SEMANGAT BERJIRAN DAN SALING MEMBANTU.

+SAYA AKAN BERASA BANGGA UNTUK MEWAKILI SATU KAWASAN YANG BEGITU BERSIH, CANTIK DAN AMAN MAKMUR,+ KATANYA KEPADA LEBIH 500 ORANG PENDUDUK KUBANG PASU DI SATU MAJLIS KESYUKURAN SEMPENA KEMENANGANNYA DAN DUA CALON BARISAN NASIONAL LAIN DALAM PILIHANRAYA UMUM LALU. -- BERSAMBUNG 1025/LK

B509:

KUBANG PASU (LAPORAN KHAS) 2 ALOR SETAR

SEMASA MELUAHKAN HASRATNYA ITU, DATUK SERI DR. MAHATHIR BERKATA KEBERSIHAN DAN KECANTIKAN MEMANG DISUKAI MANUSIA, BAHKAN ISLAM SENDIRI MENGANJURKAN UMATNYA SUPAYA SUCI DAN BERSIH.

+OLEH ITU, KERAJAAN TIDAK AKAN MENGGAJIKAN ORANG-ORANG TERTENTU UNTUK MEMBERSIH DAN MENCANTIKKAN KAWASAN RUMAH ORANG PERSEORANGAN KERANA TUGAS YANG SENANG ITU TERSERAH KEPADA TUANPUNYA RUMAH SENDIRI,+ KATANYA.

BELIAU JUGA KURANG PUASHATI MELIHAT KAWASAN-KAWASAN TERTENTU SEPERTI PERKARANGAN MASJID, DEWAN ORANGRAMAI DAN TANAH-TANAH LAPANG TINGGAL TERBIAR TANPA DIJAGA.

SEBENARNYA APA YANG DIINGINI OLEH DATUK SERI DR. MAHATHIR IALAH SUPAYA PENDUDUK-PENDUDUK DI SITU MELIBATKAN DIRI SECARA SUKARELA DAN BEKERJASAMA SERTA MENJADIKAN KUBANG PASU SATU CONTOH PENGHIDUPAN YANG BAIK DI NEGARA INI.

CONTOH PENGHIDUPAN YANG BAIK JUGA BERGANTUNG KEPADA KEDUDUKAN EKONOMI YANG SEMPURNA DAN DALAM HAL INI, PERDANA MENTERI BERHARAP PENDUDUK-PENDUDUK KUBANG PASU AKAN MELIBATKAN DIRI SECARA AKTIF DALAM PERUSAHAAN KECILAN SEPERTI MEMPROSES BULUH, KAYU, ROTAN, TANAH LIAT DAN KERJA JAHIT-MENJAHIT. -- BERSAMBUNG 1029/LK
KUBANG PASU (LAPORAN KHAS) 3 ALOR SETAR

KERAJAAN AKAN MENGGALAKKAN PERUSAHAAN JENIS INI DI KAWASAN SEPERTI KUBANG PASU AGAR BAHAN-BAHAN YANG BANYAK TERDAPAT DI SITU DIUSAHAKAN SEPENUHNYA.

APA YANG MENJADI TANDATANYA SEKARANG IALAH SAMA ADA PENDUDUK-PENDUDUK KUBANG PASU TELAH SEDIA UNTUK MENYAHUT SERUAN PEMIMPIN MEREKA ITU DAN MELAKSANAKAN APA YANG DICITA-CITAKAN.

DATUK HAJI OSMAN AROFF, WAKIL RAKYAT JITRA, SALAH SATU DARI DUA KAWASAN DEWAN UNDANGAN NEGERI DI KAWASAN PARLIMEN KUBANG PASU BERKATA KESELURUHAN PENDUDUK DI SITU TELAH MENYAMBUT BAIK HASRAT PERDANA MENTERI ITU.

BELIAU MENSIFATKAN TUGAS MENJADIKAN KUBANG PASU BERSIH, CANTIK DAN AMAN SEBAGAI SATU TANGGUNGJAWAB BERSAMA SEMUA PERINGKAT MASYARAKAT DI KUBANG PASU SENDIRI - DARI PEGAWAI-PEGAWAI KERAJAAN, PEMIMPIN-PEMIMPIN POLITIK, KETUA-KETUA KAUM DAN RAKYAT JELATA.

DATUK OSMAN BERPENDAPAT LANGKAH PERTAMA DAN YANG PALING PENTING IALAH UNTUK MENCANTIKKAN DULU KAWASAN KESEMUA PEJABAT KERAJAAN YANG TERDAPAT DI KUBANG PASU. -- BERSAMBUNG 1033/LK

B511:
KUBANG PASU (LAPORAN KHAS) 4 ALOR SETAR

KEBERSIHAN DAN KECANTIKAN PEJABAT-PEJABAT KERAJAAN AKAN MEMBUKA MATA RAKYAT JELATA TERHADAP KEHENDAK PERDANA MENTERI ITU SERTA JUGA AKAN MENJADI CONTOH YANG BAIK KEPADA SEMUA PENDUDUK TEMPATAN.

LANGKAH KEDUA, MENURUT DATUK OSMAN, IALAH DENGAN MENGADAKAN SATU KEMPEN BESAR-BESARAN UNTUK MENJELASKAN KONSEP YANG DIMAKSUDKAN OLEH DATUK SERI DR. MAHATHIR DAN KEMPEN INI MESTILAH MELIBATKAN BEBERAPA PERINGKAT SEPERTI JABATAN PENERANGAN, PARTI DAN JUGA KETUA-KETUA KAMPUNG.

+SEKIRANYA, PARA PENDUDUK BENAR-BENAR FAHAM CITA-CITA PEMIMPIN MEREKA ITU, MEREKA TENTU AKAN MEMBERI SAMBUTAN YANG MENGGALAKKAN,+ KATANYA.

SETIAP ANGGOTA KELUARGA DI KUBANG PASU JUGA DIKEHENDAKI SEDAR ATAS TANGGUNGJAWAB MASING-MASING KERANA KEBERSIHAN DAN KECANTIKAN KAWASAN RUMAH JUGA BERERTI KEBERSIHAN DALAM RUMAH SENDIRI BUKAN SEJAKAT KAWASAN DI LUAR SAJA, KATA BELIAU.

DATUK OSMAN BERPENDAPAT KEJAYAAN CITA-CITA ITU AKAN MENGAMBIL MASA YANG LAMA TETAPI APA YANG PENTING IALAH +IANYA MESTI BERMULA+. -- BERSAMBUNG 1037/LK

B512:
KUBANG PASU (LAPORAN KHAS) 5 ALOR SETAR

SEKIRANYA SESEORANG PENDUDUK ITU MULA MENCANTIKAN KAWASAN RUMAHNYA, TENTU JIRANNYA AKAN MENGIKUT LANGKAHNYA ITU DAN PROSES TERSEBUT AKAN BERTERUSAN, KATA DATUK OSMAN.

SALAH SATU CARA LAGI UNTUK MEMPERCEPATKAN PENCAPAIAN CITA-CITA ITU IALAH DENGAN MENGADAKAN PERADUAN +KAMPUNG CANTIK+ ATAU PUN BANGUNAN CANTIK.

SATU LAGI LANGKAH UNTUK MELIBATKAN KESELURUHAN PENDUDUK DI SITU IALAH DENGAN MENGANJURKAN KERJA-KERJA SUKARELA ANTARA MEREKA UNTUK BERSAMA-SAMA BERUSAHA MENJAGA KEBERSIHAN KAWASAN.

DATUK OSMAN, YANG JUGA AHLI EXCO KERAJAAN KEDAH BERKATA BAGI PIHAK KERAJAAN, IA AKAN MENJAGA KEBERSIHAN JALAN-JALAN SERTA JUGA BANGUNAN-BANGUNANNYA.

BELIAU BERCADANG UNTUK MENGADAKAN PERBINCANGAN DENGAN PIHAK-PIHAK TERTENTU UNTUK MENGATUR LANGKAH-LANGKAH YANG SESUAI BAGI MAKSUD TERSEBUT TIDAK LAMA LAGI.

+RANCANGAN INI MEMERLUKAN SATU PENYUSUNAN YANG RAPI AGAR TIDAK MENJADI HANGAT-HANGAT TAHI AYAM SAHAJA,+ KATANYA. -- BERSAMBUNG 1041/LK

KUBANG PASU (LAPORAN KHAS) 6 ALOR SETAR

SEBENARNYA, SEBELUM PERDANA MENTERI MELAHIRKAN HARAPANNYA ITU UNTUK MELIHAT KUBANG PASU CANTIK DAN BERSIH, PIHAK BERKUASA TEMPATAN DI SITU TELAH PUN MENGAMBIL DAYAUSAHA SENDIRI MENANAM POKOK-POKOK UNTUK MENGHIASKAN SEKITAR BANDAR.

TETAPI MALANGNYA, POKOK-POKOK YANG DITANAM MATI DIMAKAN ULAT, KATA PEGAWAI DAERAH KUBANG PASU, ENCIK JAMIL JAMALUDDIN.

OLEH ITU, BELIAU BENAR-BENAR BERHARAP SATU SIKAP YANG TULIN DAPAT DIJUJUKAN DI KALANGAN PENDUDUK-PENDUDUK TEMPATAN DI MANA APABILA MEREKA MELIHAT POKOK-POKOK ITU DITANAM DI HADAPAN KAWASAN MADING-MADING, MEREKA SENDIRI AKAN TOLONG MENJAGANYA DENGAN MENYIRAMNYA.

SELAIN DARI ITU, BELIAU JUGA BERHARAP PARA PENDUDUK AKAN DAPAT MEMOTONG RUMPUT-RUMPUT YANG HIDUP MELIAR DEKAT KAWASAN MADING-MADING, SUNGGUHPUN TUGAS ITU ADALAH DI BAWAH PEKERJA-PEKERJA MAJLIS DAERAH TEMPATAN.

SEMANGAT INGIN MEMBANTU KE ARAH MENCANTIKAN BANDAR SENDIRI SEPERTI INILAH YANG AMAT PENTING DISEMAI DI KALANGAN PENDUDUK-PENDUDUK TEMPATAN UNTUK MENJAYAKAN CITA-CITA PERDANA MENTERI ITU, KATANYA. -- BERSAMBUNG 1045/LK

BS14:

KUBANG PASU (LAPORAN KHAS) 7 ALOR SETAR

ENCIK JAMIL JUGA MENCADANGKAN SUPAYA PENDUDUK-PENDUDUK KUBANG PASU MULA MENANAM POKOK-POKOK YANG BOLEH MENDATANGKAN HASIL SEPERTI MEMPELAM ATAU UBI KAYU DAN ORKID DI PERKARANGAN RUMAH MADING-MADING.

BELIAU BERHARAP MEREKA TIDAK MENUNGGU BEGITU LAMA UNTUK MENANAM POKOK-POKOK YANG MEMBERI HASIL.

SEMENTARA ITU, ENCIK SAAD BIN TAIB, SEORANG PENDUDUK JITRA BERKATA BELIAU AMAT TERTARIK DENGAN TUJUAN PERDANA MENTERI ITU.

SEKIRANYA CITA-CITA ITU TERCAPAI, BUKAN PERDANA MENTERI SAHAJA YANG BOLEH BANGGA KERANA MEWAKILI KUBANG PASU, TETAPI SAYA JUGA AKAN BERBANGGA KERANA MENJADI SEBAHAGIAN DARI KUBANG PASU ITU SENDIRI, KATANYA.

BELIAU TELAH PUN MENGUNTUKKAN SEBAHAGIAN DARI MASA LAFANGNYA DI SEBELAH PETANG UNTUK MENJAGA DAN MEMBERSIHKAN KAWASAN RUMAHNYA DAN BERHARAP SEMUA PENDUDUK KUBANG PASU AKAN TURUT BERBUAT DEMIKIAN. -- BERNAMA 1049/LK